



UNIVERSITÄTS-
BIBLIOTHEK
PADERBORN

Die XIX. Julii. In Festo S. Vincentii à Paulo Confes.

[S.l.], [ca. 1770]

Die XIX. Julii. In Festo S. Vincentii à Paulo Confess. Duplex.

[urn:nbn:de:hbz:466:1-62816](https://nbn-resolving.org/urn:nbn:de:hbz:466:1-62816)

Die XIX. Julii.

IN FESTO

S. VINCENTII à PAULO CONFES.

Duplex.

*Omnia de com. Conf. non Pont. præter seq.
In Hymn. Iste Confessor. mut. tert. Vers.*

Oratio.

DEUS, qui ad evangelizandum pauperibus, & Ecclesiastici Ordinis decorem promovendum, beatum Vincentium Apostolicâ virtute roborâsti; præsta quæsumus, ut cujus pia merita veneramur, virtutum quoque instruamur exemplis. Per Domin.

Lectiões I. Noct. de Script. occ.

IN II. NOCTURNO.

Lectio IV.

Vincentius à Paulo Natione Gallus, Podii non procul ab Aquis Tarbellis in Aquitania natus, jam tum à puero eximiam in pauperes charitatem præsetulit. A custodia paterni gregis ad literas evocatus, humanas Aquis, divinas cum Tolosæ, tum Cæsar-Augustæ didicit. Sacerdotio initiatus, ac Theologiæ laureâ insignitus, in Turcas incidit, qui captivum in Africam abduxerunt; sed in captivitate positus herum ipsum Christo rursus lucrificavit. Cum eo igitur ex barbaris oris, opitulante Deiparâ sese proripiens, ad Apostolica limina iter instituit; unde

✕

in

in Galliam reversus Clippiaci primùm, mox Castellionis Parœcias sanctissimè rexit. Renuntiatus à Rege primarius Sacrorum Minister in Galliæ triremibus, mirum, quo zelo, & ducum & remigum salutem operam posuerit. Monialibus Visitationis à Sancto Francisco Salesio præpositus, tantâ prudentiâ per annos circiter quadraginta eam curam sustinuit, ut maximè comprobaverit iudicium Sanctissimi Præfulis, qui sacerdotem Vincenzio digniorem nullum se nosse fatebatur.

¶. Honestum &c.

Lectio V.

Evangelizandis pauperibus, præsertim ruricolis, ad decrepitam usque ætatem indefessus incubuit, eique apostolico operitum se, tum alumnos Congregationis, quam sub nomine Presbyterorum sæcularium Missionis instituit, perpetuo voto à Sancta Sede confirmato speciatim obstrinxit, Quantum autem augendæ Cleri disciplinæ allaboraverit, testantur erecta majorum Clericorum Seminaria: collationum de divinis inter Sacerdotes frequentia, & sacræ ordinationi præmittenda exercitia; ad quæ, sicut & ad pios laicorum secessus, instituti sui domicilia libenter patere voluit. Insuper ad amplificandam fidem, & pietatem, evangelicos misit Operarios, non in solas Galliæ Provincias, sed

sed & in Italiam, Poloniam, Scotiam, Hyber-
niam, atque ad Barbaros, & Indos. Ipse verò,
vitâ functo Ludovico decimo tertio, cui mo-
rienti hortator adstitit, à Regina Anna Au-
striaca matre Ludovici decimi quarti in San-
ctius Concilium accitus, studiosissimè egit,
ut nonnisi digniores Ecclesiis, ac Monasteriis
præficerentur: civiles discordiæ, singularia
certamina, serpentes errores, quos simul sen-
sit, & exhorruit, amputarentur, debitâque
judiciis Apostolicis obedientia præstaretur
ab omnibus. *R.* Amavit eum &c.

Lectio VI.

Nullum fuit calamitatis genus, cui pater-
nè non occurrerit. Fideles sub Turca-
rum jugo gementes: infantes expositos: ju-
venes dyscolos: virgines periclitantes: mo-
niales dispersas: mulieres lapsas: ad trire-
mes damnatos: peregrinos infirmos: artifi-
ces invalidos: ipsosque mente captos, ac in-
numeros mendicos subsidiis, & hospitiiis,
etiamnum superstitibus excepit, ac piè fo-
vit. Lotharingiam, Campaniam, Picardiam,
aliâsque regiones peste, fame, bellôque Va-
stas prolixè refecit. Plurima ad perquiren-
dos & sublevandos miseros Sodalitia funda-
vit; inter quæ celebris Matronarum cœtus,
& latè diffusa sub nomine charitatis Puella-
rum Societas: Puellas quoque tum de Cru-
ce,

ce, tum de providentia, ac Sanctæ Genovefæ
ad fequioris sexûs educationem erigendas
curavit. Hæc inter, & alia gravissima negotia
Deo jugiter intentus, cunctis affabilis, ac sibi
semper constans, simplex, rectus, humilis, ab
honoribus, divitiis, ac deliciis semper ab-
horruit; auditus dicere: rem nullam sibi
placere, præter-quam in Christo Jesu, quem
in omnibus studebat imitari. Corporis de-
mum afflictatione, laboribus senioque attri-
tus, die vigesimâ septimâ Septembris anno
salutis supra millesimum sexcentesimo se-
xagesimo, ætatis suæ octogesimo quinto, Pa-
risius in domo Sancti Lazari, quæ caput est
Congregationis Missionis, placidè obdormi-
vit: quem virtutibus, meritis, ac miraculis
clarum Clemens duodecimus inter Sanctos
retulit, ipsius celebritati die decimâ nonâ
Mensis Julii quotannis assignata.

ꝛ. Iste homo &c.

IN III. NOCTURNO.

*Homil. S. Gregorïi Papæ in Evangel. De-
signavit Dominus. ut in communi Evang.*

ꝛ. VII. Iste est &c.

ꝛ. VIII. Sint lumbi &c.

*Missæ. Justus ut palma florebit. Evang.
ut in Festo S. Ignatii 31. Julii.*

